



**JAMHURI YA MUUNGANO WA TANZANIA**  
**OFISI YA RAIS –TAWALA ZA MIKOA NA SERIKALI ZA MITAA**  
**HALMASHAURI YA MJI NJOMBE**



**MAELEKEZO YA UCHAGUZI WA SERIKALI ZA MITAA 2024**

Kwa mujibu wa Kanuni ya 9(1) ya Kanuni za Uchaguzi wa Mwenyekiti wa Mtaa na Wajumbe wa Kamati ya Mtaa katika Mamlaka za Miji 2024 na Kanuni ya 9(1) ya Kanuni za Uchaguzi wa Mwenyekiti wa Kijiji, Wajumbe wa Halmashauri ya Kijiji na Mwenyekiti wa Kitongoji katika Mamlaka za Miji 2024, Msimamizi wa Uchaguzi amepewa mamlaka ya kutoa maelekezo kuhusu uchaguzi. Maelekezo haya yanatolewa siku sitini na mbili kabla ya siku ya uchaguzi, kwa lengo la kuhakikisha kuwa taratibu zote zinafuatwa na kwamba wapiga kura pamoja na wagombea wanapata taarifa zote zinazohitajika kwa wakati.

Maelekezo haya yanafafanua hatua zitakazoongoza mchakato wa uchaguzi, kuanzia uandikishaji wa wapiga kura, uchukuaji na urejeshaji wa fomu za kugombea, uteuzi wa wagombea na tarehe ya siku ya uchaguzi. Maelekezo haya yanalenga kutoa mwongozo ili kuhakikisha uchaguzi unafanyika kwa uwazi, haki na usawa na kwa kuzingatia sheria na taratibu zilizowekwa.

**(a) Tarehe ya Uchaguzi:**

Kwa mujibu wa Tangazo la uchaguzi lililotolewa kwa kuzingatia kanuni ya 4 ya Kanuni za uchaguzi wa viongozi wa Mamlaka za Serikali za Mitaa (Tangazo la Serikali Na. 573 na 574), uchaguzi utafanyika tarehe 27 Novemba 2024.

**(b) Muda na sehemu ya kuandikisha wapiga kura:**

Kwa mujibu wa Kanuni ya 11 GN Na. 573 Mamlaka za Miji, na Kanuni ya 10 GN. Na 574, zoezi la uandikishaji wa wapiga kura litafanyika kuanzia tarehe 11 hadi 20 Oktoba 2024 katika vituo vilivyopangwa

**(c) Muda na mahali pa kufanyia uchaguzi:**

Kwa mujibu wa kanuni ya 31 GN Na. 573, na 574 Uchaguzi wa Mwenyekiti wa Kijiji, mwenyekiti wa kitongoji na wajumbe wa halmashauri ya Kijiji utafanyika kwenye vitongoji na vituo vingine vilivoelekezwa katika vijiji husika na uchaguzi wa Mwenyekiti wa Mtaa na Wajumbe wa Kamati ya Mtaa utafanyika katika Mtaa husika.

**(d) Wito kwa Wakazi wenye sifa za kupiga kura:**

Kwa mujibu wa kanuni ya 13 GN. Na. 573 na 574 wakazi wote wenye umri wa miaka 18 au zaidi na waliokidhi masharti ya kisheria wanahimizwa kushiriki katika uchaguzi huu.

**(e) Wito kwa wagombea:**

Kwa mujibu wa kanuni ya 17 GN. Na. 573 na 574 wakazi wenye umri wa miaka 21 au zaidi wanaotaka kugombea nafasi za Mwenyekiti wa Kijiji, mwenyekiti wa kitongoji na wajumbe wa halmashauri ya Kijiji na uchaguzi wa Mwenyekiti wa Mtaa na Wajumbe wa Kamati ya Mtaa wanahimizwa kuchukua fomu za kugombea katika Ofisi ya Msimamizi Msaidizi wa Uchaguzi.

**(f) Kuchukua na kurudisha fomu:**

Kwa mujibu wa kanuni ya 17 GN. Na. 573 na 574 fomu za kugombea zitatolewa na kutakiwa kurudishwa kuanzia tarehe 01 hadi 07 Novemba 2024 kwa Msimamizi Msaidizi wa Uchaguzi.

**(g) Uteuzi wa wagombea:**

Kwa mujibu wa kanuni ya 18 GN Na. 573, na 574, Uteuzi wa wagombea utafanyika tarehe 08 Novemba 2024.

**(h) Pingamizi dhidi ya uteuzi:**

Kwa mujibu wa kanuni ya 23 GN. Na. 573 na 574 muda wa kuweka pingamizi kuhusu uteuzi wa wagombea ni kuanzia tarehe 08 hadi 09



**Novemba 2024 na uamuzi wa pingamizi utatolewa kuanzia tarehe 08 hadi 10 Novemba 2024.**

**(i) Rufaa dhidi ya uamuzi kuhusu pingamizi la uteuzi:**

Hii ni kwa mujibu wa kanuni ya 23 (3) GN. Na. 573 na 574 rufaa zitapokelewa kuanzia tarehe 10 na 13 Novemba 2024 na uamuzi wa kamati ya rufaa utatolewa kuanzia tarehe 10 na 13 Novemba 2024.

**(j) Kampeni za uchaguzi:**


Kwa mujibu wa kanuni ya 27 GN. Na. 573 na 574, Kampeni za uchaguzi zitaanza tarehe 20 hadi tarehe 26 Novemba 2024. Kampeni hizi zitafanyika kuanzia saa 2 kamili asubuhi hadi saa 12 kamili jioni.

Ninatoa wito kwa wananchi wote wenye sifa kushiriki kikamilifu katika mchakato huu wa uchaguzi, kuanzia hatua ya kujiandikisha kwenye orodha ya wapiga kura. Kujiandikisha katika orodha ya wapiga kura ni hatua muhimu inayompa kila mwananchi mwenye sifa haki ya kisheria kushiriki uchaguzi kama mpiga kura au mgombea. Hivyo, Wananchi wanahimizwa kujitokeza kwa wingi kujiandikisha ili kutumia haki yao ya kupiga kura au kugombea nafasi za uongozi.

Nafasi zitakazogombewa katika uchaguzi huu ni Mwenyekiti wa Mtaa, wajumbe wa kamati ya Mtaa mchanganyiko, Wajumbe wa kamati ya Mtaa kundi maalum la wanawake, mwenyekiti wa kijiji, mwenyekiti wa kitongoji, Wajumbe wa Halmashauri ya kijiji mchanganyiko na Wajumbe wa Halmashauri ya Kijiji kundi maalum la Wanawake. Hivyo, wananchi wenye sifa wanahimizwa kuchukua na kurudisha fomu za kugombea nafasi hizo kwa tarehe zilizoainishwa katika maelekezo haya. Ushiriki wa wananchi wengi katika kugombea nafasi hizi ni muhimu katika kukuza demokrasia na kuhakikisha upatikanaji wa viongozi bora kwa maendeleo ya Taifa letu.

Mwisho, niwahamasishe Wananchi wa Halmashauri ya Mji Njombe kujitokeza kwa wingi siku ya uchaguzi ambayo ni Jumatano ya tarehe 27 Novemba 2024, ili kuchagua viongozi bora watakaoongoza.

Imetolewa na:-

  
Kuruthum A. Sadick



**MSIMAMIZI WA UCHAGUZI**  
**HALMASHAURI YA MJI NJOMBE**

**TAREHE: 26/09/2024**

---

Ofisi ya Mkurugenzi (TD), S.L.P 577 NJOMBE, Tovuti: [www.njombec.go.tz](http://www.njombec.go.tz), Simu: 026-2968833

Barua pepe: [td@njombec.go.tz](mailto:td@njombec.go.tz), Posti Kodi : 31 Barabara ya Ikisa, 59108 Mjimwema -Njombe